

社會觀

陳 安 仁 著

1929.

中華民國十一年五月十日初版
中華民國十八年一月四版

本書 ●實售大洋二角●
●外埠寄費二分●

社會觀

(全一冊)

版權所有

著作者 陳安仁

發行者 趙南公

印刷者 泰東圖書局

總發行所
分局

上海四馬路二四一五號
泰東圖書局
南京太平街
長沙南陽街

社會觀

緒論

人有恒言。社會學者獨一無二之試驗室。即現在與已往之社會經驗是也。不能以其現象爲孤立之研究。必從人類之繁賾生活上着手。求其相互關係而得之。夫觀察社會之現象而不觀察內部的真情。未能周識社會。且觀察社會現在之內情。而又不溯過去社會之經驗。亦未能周識社會。吾人居於社會之中。受社會之所範而不可以畔越。受社會之扶助而不可以孤立。故人類的生活。非單簡的生活。而複雜的生活也。非單獨的生活而團體的生活也。就人類一方面言。其生活的於一飲一食外。似乎單簡。而其內面相互關係之繁賾。殊不可以道里計。此吾人欲觀察社會必根據于個人。觀察夫個人。必根據于社會者也。苟生於社會中。之人。其對於社會有不明瞭之概念。斯其對於社會之全體。終不能以革新之方而改造之。觀夫淺演野蠻之社會。其終不能脫離其狃榛之境。皆此故也。古今東西之社會。其對於社

會著有偉大之事功。皆深謐夫社會者。否則惟周察個人的利害而不明社會的利害。何以著革新社會之鴻業乎。是書單簡。皮相之誚。自知不免。然使不倖之觀察。或有不誤之處。諒亦爲大雅所不棄也。茲分章論之而下。

●社會之淵源

自有人類。即有社會。社會者。人類之一結合。團體也。麋鹿羊猿及蜂蟻之類。皆喜羣居。而營共同之動作。乃不名麋鹿羊猿及蜂蟻之羣之結合爲社會何也。蓋亦曰麋鹿羊猿及蜂蟻之羣之結合。爲屬於一種衝動之欲所驅策。而人類則有自由意志之結合也。爲一種形式之所圍範。而人類則有高尙之精神動作也。爲自然大法所支配。而人類則爲進化公例所演變而不可限也。社會之文野。可以人類自由意志結合之強弱與否。精神動作之高下與否。進化境象之適宜與否而斷定之。夫人類不論文野。皆有其結合之社會。故社會者可判定爲人類之特有物。惟依論理之說法。社會之發生。其界說不如是之簡單也。以社會爲由於人類意志。

之契約。而爲社會之組織者。若赫普斯（十七世紀時人）狄克烈（比人）士畢諾等是也。以社會之發生。由於各種族部落之軋轢之競爭。由強併弱。大併小之結果而結合同化者。若根布魯維資（德人）羅威哥等是也。有謂社會之發生。由於人類之模倣。積多數異等不同之思想而接觸而模仿之。而成其結合者。有謂由於人類之同情。互相觀感而聯結以爲社會者。諸說姑弗論其是非。然社會之發生。必有其所謂淵源是。以鄙見推測之。（一）由於人類之好羣性。人類者。好羣之動物也。今姑置一人於深山之中。令斷絕不與人交游。則其心理爲何如乎。必感有不快與抑鬱可知矣。又携一溪澗鄉居之兒童。至繁盛之都市。見人物之殷衆。熙來攘往。則必覺手舞足蹈之快感也。故社會之淵源。必由於人類之好羣性也。（二）由於人類利己心與利他心之調和。人類者多欲之動物也。惟以多欲之故。斯以動作企圖滿足其欲念。而利己心生矣。顧積極之利己行爲。與他人之快樂及地位不相容。其結果。終以害他之故。而反以害己。於是一方面謀利己之法。不與他人之利害衝突。一方面謀利他之法。不與自己利害衝突。且或以利他之故。而一己之利更從而增進。於是而調和起矣。以調和之故而社會之公同

動作乃發生。推之婚姻也。禮制也。法律也。政治也。商業也。道德也。無一不隨此以演進。而結合乃以強固焉。故社會之淵源。必由於利己心之調和也。(三)由於人類精神作用之接洽而發生。人類以精神動作。而適合其高尚之欲念。以各個精神動作互相接洽而生感化。必有一種聯合之精神動作發生。此聯合之精神動作發生。必在乎各個人精神作用自產之外。而異於其原個精神之所自產者也。譬如社會以各個人之聯合而生出一種文化。而此種文化爲社會之特有物。而各個人則隨此文化而發生思想觀念是也。故社會之淵源必由於人類精神作用之接洽也。以上略舉數端以質諸海內外之治社會學者。

●社會結合之基本

凡古今之社會其得以存立者而不致消滅者何在乎。必曰社會結合力之堅強也。社會結合力之何以堅強。必曰以愛力爲基本。有生之大物。其結合力堅者。不能由外力而推陷之。其結合力弱者則反是。此則盡人而知也。雖然其結合力之量有多少。而結合力強弱之度因

之有高低。強弱之度有高低。斯社會體制有繁榮的衰落的現象。社會之所以衰落者。由於戰爭。篡奪。乖忤。欺詐。社會於此諸缺點而擴張者。比之所謂散力。其力易散者。其愛力易弛。其愛力易弛者。社會之衰落愈甚。社會之所以繁榮者。由於輔助調和慈良喜樂。社會於此諸優點而擴張者。比之所謂聚力。其力易聚者。其愛力愈堅。其愛力愈堅者。社會愈益繁榮。此固天演之定例。不可磨也。斯賓塞氏有言。動植始皆柔滑。終乃堅強。「生界原理如此。而社會者有生機之體制也。依生界原理。則社會之渙散而結合。由時代之推演。日進而日堅可知也。然世界各國之社會有結合至堅者。終有時而解體。此何故耶。一如德意志大戰之初。與大戰後之比較。於此有二原理如下。一則其愛力因時代之推移而解組也。一則其愛力因社會心理之變遷而解組也。社會結合之愛力。固未嘗有異也。然以時代之推移有主義代之而起。而此新主義與舊主義不相容。舊主義者為社會愛力結合之動機也。而舊主義已變遷。社會愛力之結合。亦因之而有異。如此社會之個人為國家主義而結合者。乃以社會主義代之。而前日之所恃國家主義以為愛力結合之張本者。至是不得不移易是也。夫社會之心理活動的而又

發展的也。其活動而趨於優善之方面者。則爲進步的。其活動而趨於惡劣之方面者。則爲退化的。其進步者。愛力愈堅。其退化者。愛力愈渙。吾國之社會。在漢唐間。外力發展。可謂有活氣之羣也。至今懦弱不振。麻木不仁。勢力渙散。此其故在何耶。豈如斯賓氏所謂物至於盡。則由壯入老。進極而將退耶。昧昧我思之。則由於時代之推移。社會心理之變遷。舊主義已去。一士有修之於家。而達之于天子之庭者。而與新主義未有訖合。（未諱忠於社會之義）愛力從之而弛緩也。墨子曰。家主不相愛。則必相篡。人與人不相愛。則必相賊。父子不相愛。則不慈。孝。兄弟不相愛。則不和調。天下之人皆不相愛。強必執弱。富必侮貧。貴必傲賤。詐必欺愚。天下禍篡怨。其所以起者。以不相愛發生也。今吾國社會。其有異於墨子之所云耶。其無異於墨子之所云耶。不佞據最簡之要言。以摘此義曰。凡愛力薄弱之社會。社會必從而衰落。凡相賊自戕之社會。社會必因之而滅亡。可以觀矣。

●社會之安習

凡社會之民衆。必維持其生活。而後社會得以相安。社會相安。而後民衆於其所安之境。

遇而發生良善之習守。爲其羣之所不可畔越者。此習守也。不期然而然。毫不能驕。欲冀不良習守之改易。非新生之現象與其環境周遭之事皆改易之不可。觀其所習。足以察其所安。視其所安。足以譴其所習。操其兩端而得其羣之真相矣。古代吾國社會。自天子公侯卿大夫士。至於匹夫皂隸。抱關擊柝之民。其宮室居服。資生之制。各有品差。各任智力以通功易事。而上下序。民志定。社會得以相安。管子曰。古之四民不得雜處。士相與言仁義於閒宴。工相與議技巧於官府。商相與議財利於市井。農相與謀稼穡於田野。朝夕從事不見異物而遷焉。故其父兄之教。不肅而成。子弟之學。不勞而能。各安其居而樂其業。甘其食而美其服。雖見奇麗紛繁。非其所習。譬猶戎翟之與于越。不相入矣。蓋社會之秩序定而後有以相安。社會相安而後羣衆得守其所習而勿畔。社會進化。階級之制已泯。環而聚處者。各守其天職。與羣誼而視爲天經地義。而後其羣足以相安。其習不致乖僻而邪妄。謬戾而叫囂。不然。揜貴之人。則權倖交橫。詐僞相傾。富貴之輩。崇尚奢靡。結納勢位。粗野之類。則任俠跖弛。相隨椎剽。養儒之夫。則沮喪苦刻。輕薄放逸。如此積久而習敝。社會乃愈陷落而不振。故謀社會之安全者。第一必設法。

使民衆能資生以相安也。第二必人人自律而克負其應盡天職也。第三不戀其私以害其羣。不挾所持以臨卑下。而社會乃得以相安。而習亦不致日靡也。班志云。大原上黨。多晉公族子孫。以詐力相傾。矜夸功名。報仇過直。嫁取送死奢靡。漢興號爲難治。嘗擇嚴猛之將。或任殺伐爲威。父兄被誅。子弟悲憤。至告訐刺使二千石。或報殺其親屬。定襄雲中五原。其民鄒朴。少禮民好射獵。可知社會不能相安。而習守乃日以偷薄也。

●社會意力之權威

社會爲民衆集合之地。民衆集合有其總匯之意力。此總匯之意力。常有一種強度之勢力。雖未能與國家法律爲有形式之制裁。而實含有無形之制裁力于其間。而莫敢叛越。此制裁力無以名之。名之曰社會意力之權威。社會意力爲結合之意力。其結合之意力堅者。則其社會之民程高。其結合之意力弱者。則其社會之民程底。且其結合之意力堅者。其裁制人民之權威大。反之則其權威小也。社會正誼之昌明而不爲羣小之陷溺而墮之浮靡者。有此權

威之意力故也。斷絕禮法。蔑棄道義。毀廉無耻之風。未足以播煽而導民衆羣趨而勿憚者。有此權威之意力故也。周衰教弛。孔子不用于權門。乃以其道與學者修明之。以紹文化之統。乘春秋褒貶之義。而口誅筆伐。特有此意力之權威也。戰國之世。時君以欺詐相尚。孟子首倡仁義。退而著書以開來學。齊王欲以萬鍾養弟子。孟子斥爲壟斷之賤夫。存義利之大閑。其視世主之尊禮。如塵垢之在體。傲王侯而黜霸道。特有此意力之權威也。且夫仁義道德。人民之心理重視而不敢有營者。以仁義道德爲社會意力之所崇尚也。奸惡邪慝。人民之心理相戒而不敢輕犯者。以奸惡邪慝爲社會意力之所鄙棄也。大奸巨滑之售其技倆。當其始也有所憚。所憚者社會意力之監視也。志士仁人之遵道而行。當其始也有所樂。所樂者社會意力之所尊重也。昔高陽氏有才子八人。齊聖廣淵。明允篤誠。天下謂之八愷。高辛氏有才子八人。忠肅共懿。宜慈惠和。天下之民謂之八元。帝鴻氏有不才子。天下之民謂之渾敦。少皞氏有不才子。天下之民謂之窮奇。顓頊氏有不才子。天下之民謂之檮杌。緡雲氏有不才子。天下之民謂之饕餮。惡名佳名皆視其德性以爲附。其佳也。不祇如登諸天。其惡也。不祇如墮諸淵。無一毫之

祖護。懷若秋霜也。兩漢舉選。先考生平。一玷清議。終身不齒。陳湯無節。則不爲州里所稱矣。主父偃學縱橫。則爲儒生所擯矣。李陵降匈奴。士夫爲愧。范滂勵清節。州里所仰。可知社會之意。力有一種之權威也。使社會不良。則意力無強度之權威。而人民之犯法違道者。亦由是而多。此社會不良之所以可慨也。

●社會道德墜落之原因

社會道德墜落。人心風俗爲之頹敝。長此不已。豈爲社會之腐敗隨之。本實已撥。國家之亡。實可指日而待。夫亡國之端不一。政治上之紛擾。陷於風雨飄搖之景況。尚可仗羣策羣力以挽回之。至社會道德墜落。大防已去。非由根本之救濟。末由起衰扶危。茲將論社會道德墜落之原因。以爲我國民告。信筆直書。疎陋之誦。知所難免。一社會少中堅之人物也。中堅之人物者。實指社會內有學識道德才幹特出之英。能以深沉之思。堅毅之力。發揮正當不易之說。而轉移國家社會政治風俗人心。能爲萬流所崇仰。國勢杌隉。又能持正義以爲國犧牲而無

所難也。此中堅之人物所樹之模範。亦足振拔流俗。社會依之爲中心。浸假爲他力所震盪。亦不足以消其潛勢力。然而君子消消。小人道長。社會中堅之人物少。難奏撥亂反正之功。甚或爲黨榮乖異之夫。摧殘而去。寶武屠於曹節。王涯戮於仇士良。元祐諸賢。竄於懷京。天啓諸賢。戮於崔魏。其故可得而思也。夫西晉祖述老莊。羣尙虛無。詆譭嚴之士爲流俗。目浮誕之夫爲風流。迨賈充楊俊柄臣覆餗於前。趙罔齊倫同氣相剪於後。廉恥道喪。禮義全無。其究也淵瞿於北而抗之。堅勒於西而扼之。國家危若朝露矣。故社會道德墜落。其敝害未有不及國家者。論古之士。亦以東京風俗之醇。爲西漢所釀成。以有董仲舒孔安國司馬遷賈誼諸人以爲之作始。兩宋節義之盛。爲五代所不及。以有張周程朱諸子以爲之開明。豈非中堅人物有足以轉移社會人心者在乎。我國今日中堅人物不可數數觀。其滑者以勝朝元老之資格。蒙馬虎皮而盜取忠義之虛聲。其狡者假名位號召。操縱士流而自恃中流之砥柱。其悍者統攬政柄。斷喪元氣。而儼然國家之保障。欲求磊落光明。慷慨激昂。冒斧鉞之誅。挫權奸之胆。立正義之幟。振士習之衰。亦鳳毛麟角矣。上有好者。下必甚焉。中堅人物之已少。此社會道德之所以墜。

落也。一政治社會之濁流日益鼓盪也。西國從政之人皆具充裕之道德學問。爲社會之所欽仰。上下相安。遂爲政治更新之兆。乃我國從事於政治社會者。不視爲公僕之任務所。而視爲交易之好銷場。附羶逐臭之夫。趨承意旨。卑鄙苟且。齷齪之行。金錢之勢。亦足以轉移人格。無復知人間有羞恥事。一旦政權在手。君子犯義。小人犯刑。魑魅魍魎。孕育其間。鍾爲國家之戾氣。物類咸召。羣治日衰。社會向胥以標準。燒倖競進之風。日以鼓盪。國家急難。毫無痛癢於中。譽毀所關。又亂其善惡之質。權利攘奪。且喪其操守之真。宵小之輩。觸刑網而恬然。暴戾之疇。決橫流而勿惜。堅執宗旨之人。隨旋渦而淘汰。澹泊明志之士。依世運以消沉。是故意念之所經營。知慮之所學畫。皆難出治政社會濁流之圈套。五季風衰義喪。士惟知苟榮貪位。四維既絕。人紀淪亡。宋初頽風。尤未少減。范質王傅。其小焉者矣。以寇準命世之英。方罷中書。即求使相。且附會王書以圖干進。習俗移人。賢者不免。我國社會日陷道德墜落之境者。此其一因也。一社會之小理日益脆弱也。聚多數心理而爲公同之心理。因心理之所聚而爲一羣結合之組織。個人者賴社會而生存。故社會結合之心理強。而社會繁榮。社會結合之心理弱。而社

會以之衰敗。社會之心理結合強者。其親愛力必強。共和肇建以來。舉國幾楮亡。功利之說。沿其皮毛。遺其精髓。以個人之利害得失爲正鵠。社會之信條。不足以維制其放蕩之行。利益所在。不惜破決藩籬。社會秩序。爲之混亂。家庭維制。爲之破裂。倣擾之情。浮動之舉。視爲正軌。而社會之親愛力。日以脆弱。兼之新教育。不爲社會所信賴。新教育之勢力。不能代之而興。心力散弛。莫知端底。欲獲相扶相助。睦鄰任恤。而不黨同伐異。殘民以逞。安可得乎。夫社會心力日益脆弱。親愛力不足以維持調劑於其間。而道德之勢。亦不足以整齊民意。所可恃者。即賴法律以濟道德之窮。強弩之末。固難爲根本之救濟。此社會道德墜落之原因。其由來者。漸非一朝一夕也。夫社會道德墜落。即民德衰敗之顯徵。民德衰敗。而政治因之腐敗。政治腐敗。而國家必因之危亡。植國本而充元氣。布陽和而進光明。其在新教育以轉移人心。爲根本之救濟而後可也。

●獎惡之社會

社會性質。毋論多元說。一元說。器械說。化學說。機體說。所持之如何。質言之。社會者。吾人

賴以生存。賴以生長。賴以扶植之活動的聯屬的無形之團體也。夫至善之社會。尤在吾人理想中。則吾人存立於社會。果有達到至善之日否耶。果能扶植而適合於至境否耶。此固在社會學者殫思竭慮討論範圍中。匪夷所思也。雖然。社會以個人爲質點。個人以社會爲體腔。個人不能離社會而獨立。猶之社會不能離人而存在。個人之種演氣習。日居月諸。積爲社會之體制。故社會之狀況。謂之個人所萃合之結晶體可也。蓋吾人所生存之社會。經數千年時間之遞嬗而成形。復連百千萬個人之繼續而成體。久而久之。以天演之神能。化成一種自然之變境。遂納社會內之個人于同一之軌。而不能出其外。故居甲種社會。所養成之人物。必有異于乙種。而居于甲種社會之人物。已爲其狀況所薰陶。欲爲丙種社會之舉動而不能。雖然。使社會而爲良善之社會也。則存在之個人。必易感而良善。適成爲獎善之社會。使社會而爲惡劣之社會也。則存在之個人。必易感而爲惡。適成爲獎惡之社會。故居于惡社會之個人。而不思與社會惡空氣。惡習慣。惡感化戰。則難脫獎惡社會之範圍。而社會以千百年來。所積成一種之能力。實足以驅策之。個人俯伏其下。萎靡偃蹇。靡髀骯。難伸特色矣。今吾人所居之社

會。是良善之社會乎。抑惡劣之社會。而伍於獎惡之社會乎。吾雖不敢直截了當。而下一斷語。然不能無疑也。一社會不能盡扶植之責。則社會不能辭獎惡之咎也。夫人生不能離社會。以孤陋自存。此吾人之所知也。而人生不能離社會者。以有待於社會之扶植故。社會何以能扶植。因吾人能成其所以爲人之資。環而扶我者爲無限。此無限以扶我成我者。是即吾人生斯長斯歌斯之社會。所賜資生教訓之大德也。今社會日即於惡劣。則社會不能盡其資生教訓之責。環立社會之個人。必日肆其放誕邪僻之心。而爲凶橫奸惡之事。則個人之失者。未必非社會有以釀之也。今吾人所居之社會。菜色鵠形。欲待嗟來之食者。不知幾千人也。布衣襤褸。虛游卒歲者。復不知幾千人也。孤苦零丁。窘而無告者。又不知幾千人也。問吾人所居之社會。有如柏林電氣總公司。執業待養者。三萬餘人之公司乎。必曰無有也。問吾人所居之社會。有如美國濟良所。專以救濟未受教育之孩童乎。必曰無有也。問吾人所居之社會。有如德國維莫約翰其人者。倡起慈善會。以感觸幼稚之孩童乎。必曰無有也。社會失其教養。必無術以扶植之。則此百千萬失養之壯年。失學之童子。立身社會。必爲社會相傳之惡風氣所播蕩。不待